

Himpunan Sejuta Umat Berjaya Dengan Penyertaan Lebih Kecil mStar Online

Oktober 22, 2011

Oleh MUHD BASYAR MUSTAPHA

SHAH ALAM: Perhimpunan Sejuta Umat (Himpun) dianggap berjaya menyuarakan pendiriannya walaupun jumlah hadirin yang datang gagal mencapai sasaran yang ditetapkan.

Pengerusi Bersama dan Presiden TERAS pengupayaan Melayu, Mohd Azmi Abdul Hamid berkata jumlah hadirin yang datang tidak menjadi masalah kerana perhimpunan berkenaan dianjurkan untuk memperkasa, mengekalkan syiar Islam serta mencegah aktiviti memurtadkan umat Islam di negara ini.

"Kami tidak hampa dengan jumlah orang ramai yang hadir kerana apa pun, mesejnya tetap sama.

"Himpun dilihat berjaya menarik keprihatinan pelbagai golongan masyarakat di negara ini," kata Azmi pada sidang media selepas berakhirnya Himpun di sini, Sabtu.

Jelasnya, perhimpunan tersebut turut berjaya kerana ia dilakukan dengan penuh disiplin tanpa sebarang kejadian tidak diingini.

Beliau turut membacakan deklarasi Himpun yang mempunyai sepuluh tuntutan berkaitan tentang aspek syariah dan akidah umat Islam di negara ini.

"Himpun yang telah dilakukan ini juga menunjukkan bahawa orang Islam mempunyai hak menuntut 10 perkara dalam deklarasi himpun," katanya.

Hakcipta Terpelihara © 1995-2011 Star Publications (Malaysia) Bhd

Source:

http://mstar.com.my/berita/cerita.asp?file=/2011/10/22/mstar_berita/20111022193032&sec=mstar_berita